



Халқ сўзи

Ўзбекистон —
кељагаи
буюк
давлат

1991 йил 1 январдан чиқа бошлаган

http://xs.uz

E-mail: Info@xs.uz

2013 йил 6 август, № 152 (5826)

Сешанба

ИСТИҚЛОЛ ИНШООТЛАРИ

Қоровулбозор — қадимий
Буюк Ипак йўли ёқасида,

Қизилқум саҳроси бағрида жойлашган маскан. Бир пайтлар Қоровулбозор деганда кимсасиз, чекка, овлоқ бир ҳудуд кўз олдимизга келарди.

Энди эса... унинг бугунги куни, эртаси ҳақида ёзиш мароқли.

Зеро, Истиқлол шарофати билан бу гўша ажиб бир бўстонга айланди.

Хусусан, Бухоро нефтни қайта ишлаш заводининг қурилиши Қоровулбозор қиёфасини буткул ўзгартириб юборди.

ФИДОКОРОНА МЕҲНАТ ВА ЮКСАЛИШ



— Президентимиз ташаббуси билан 1993 йилда Қоровулбозор туманида шундай заводни барпо этиш юзасидан Вазирлар Маҳкамасининг тегишли қарори қабул қилинган эди, — дея эслайди Бухоро нефтни қайта ишлаш унитар корхонаси директори Шамсиддин Саидахмедов. — Орадан тўрт йил ўтиб, аниқроғи,

1997 йилнинг 22 август куни Юртбошимиз иштирокида корхонанинг расмий очилиш маросими бўлиб ўтди. Шу тариқа асосий фаолият тури нефть ва газ конденсатини қайта ишлаш саналган гигант мажмуа ўз фаолиятини бошлади.

Шу ўринда кимсасиз саҳрода улкан бунёдкорлик иш-

лари амалга оширилгани, заводни барпо қилишга жуда катта куч ва маблағ сарфлангани таъкидлаш керак. Ҳаёт қисқа муддатда қурилиб ишга туширилган корхонага айрим чет эл оммавий ахборот воситалари “чинакам мўъжиза” дея таъриф беришгани ҳам бежиз эмас.

Заводда ишлаб чиқаришнинг

технологик жараёни тўлиқ автоматлаштирилган. У Франциянинг “Technip” компанияси томонидан лойиҳалаштирилган. Барча жараёнлар асосий ишлаб чиқариш цехининг марказий операторлар хонасидан бошқарилади ва назорат қилинади.

(Давоми 2-бетда.)



Бухоро
нефтни қайта
ишлаш заводи
йилига

2,5

МИЛЛИОН

ТОННА

углеводород хом
ашёсини қайта
ишлаш
қувватига
эга.

хабарлар

■ Ўзбекистон Республикаси Молия вазирлигида Ўзбекистон Республикаси бюджет тизимининг қонунчилик асосларини янада такомиллаштириш ва Бюджет кодекси лойиҳаси муҳокамасига бағишланган туркум давра суҳбатлари бошланди.

Бюджет тизими ислоҳ қилинмоқда

Дастлабки давра суҳбатида Ўзбекистон Халқ таълими вазирлиги, Олий ва ўрта махсус таълим вазирлиги, Соғлиқни сақлаш вазирлиги, Маданият ва спорт ишлари вазирлиги, Иқтисодиёт вазирлиги, Ташқи ишлар вазирлиги, Қишлоқ ва сув ҳўжалиги вазирлиги, Меҳнат ва аҳолини ижтимоий муҳофазга қилиш вазирлиги, уларга қарашли ташкилотлар, шунингдек, бошқа манфаатдор вазирликлар, давлат кўмиталари ҳамда идораларнинг бошқармалари ва режалаштириш-молия бўлимлари раҳбарлари иштирок этди.

(Давоми 2-бетда.)

Ҳар бир бола меҳр оғушида

■ Мустақиллигимизнинг 22 йиллигини муносиб кутиб олиш мақсадида турли ташкилотлар ташаббуси билан амалга оширилаётган ишлар, эзгу савий-ҳаракатлар барчани хайрли ишларга камарбаста бўлишга ундамоқда.

Хусусан, Соғлиқни сақлаш вазирлиги ташаббуси билан “Соғлом бола — соғлом келажак” шiori остида мамлакатимиз бўйлаб махсус Саломатлик ҳафталиги ўтказилмоқда.

Ҳафталикдан кўзда тутилган мақсад, Меҳрибонлик, Мурувват уйлари, махсус мактаб-интернатларнинг тарбияланувчилари, эҳтиёжманд оилалар фарзандлари, имконияти чекланган болаларни тиббий қўриқдан ўтказишдир. Зеро, фарзандларимизнинг соғлом, баркамол ва бахтли бўлиб улғайиши нафақат ота-оналар истаги, балки давлатимиз сиёсатининг ҳам устувор вазифаларидан биридир. Шу боис истиқлолнинг илк кунларидан келиб ўз самараларини намойён этмоқда. Жумладан, Ўзбекистон дунёдаги энг нуфузли халқаро таш-

килотлар томонидан тузилган жаҳон рейтингига болалар саломатлигини мустаҳкамлаш борасида катта гaмхўрлик кўрсатилаётган етакчи ўн мамлакат қаторига киритилганлиги бежиз эмас.

Шу билан бирга, Ўзбекистонда амалга оширилаётган “Соғлом бола” она ва бола саломатлигини муҳофазга қилиш миллий модели Мингйиллик ривожланиш мақсадларига эришишда самарали стратегиялардан бири сифатида этироф этилгани ҳам улкан аҳамиятга эга. Натижада мамлакатимизда гўдаклар ва оналар ўлими уч баробарга қисқарди. Бинобарин, айни пайтда 92 фоиз ўғил-қизларимизнинг вазни ва бўйига доир кўрсаткичлар Жаҳон соғлиқни сақлаш ташкилоти андозаларига тўла мос келади.

(Давоми 3-бетда.)

Ўзбекистон Республикаси Мустақиллигининг 22 йиллик байрами арафасида хорижий давлатлар ижтимоий-сиёсий ва эксперт-таҳлил доираларининг вакиллари тобора яқинлашиб келаётган ушбу қўтулғ сана муносабати билан мамлакатимизнинг чет эллардаги ваколатхоналарига ўз табрикларини йўлламоқдалар.



Ижтимоий шериклик

барқарор меҳнат муносабатларини таъминлашнинг омили

Пойтахтимизда “Ижтимоий шериклик барқарор ижтимоий-меҳнат муносабатларини таъминлашнинг омили сифатида: Ўзбекистон таърибаси ва янада ривожлантириш истиқболлари” мавзуйда халқаро илмий-амалий конференция ўтказилди.

■ ХАЛҚАРО КОНФЕРЕНЦИЯ

Ўзбекистон Қасаба уюшмалари Федерацияси Кенгаши томонидан Фуқаролик жамияти шаклланишини мониторинг қилиш мустақил институти, Меҳнат ва аҳолини ижтимоий муҳофазга қилиш вазирли-

ги, Савдо-саноат палатаси, Нодавлат нотижорат ташкилотлари Миллий ассоциацияси ҳамда БМТ Тараққиёт дастурининг мамлакатимиздаги ваколатхонаси ҳамкорлигида ташкил этилган мазкур ан-

жуманда парламент аъзолари, вазирликлар, идоралар, иш берувчилар ва уларнинг бирлашмалари, нодавлат нотижорат ҳамда халқаро ташкилотлар вакиллари, МДХ ва хорижий мамлакатлар қасаба уюшма марказлари, оммавий ахборот воситалари ходимлари, шунингдек, мустақил экспертлар қатнашди.

Конференцияда мамлакатимизда аҳоли бандлиги, меҳнат муҳофазасини таъминлаш, меҳнаткаш-

ларнинг ижтимоий манфаатларини ҳимоя қилиш соҳасида амалга оширилаётган тизимли ишлар, эришилаётган натижалар, ижтимоий шерикликни ривожлантириш борасидаги савий-ҳаракатлар ҳамда халқаро даражадаги илғор тажрибалар атрофича муҳокама этилди. Шу билан бирга, меҳнат соҳасида ижтимоий шериклик ва уни келгусида янада ривожлантириш истиқболлари таҳлил қилинди.

(Давоми 2-бетда.)

Франциядан қутловлар

Жумладан, Европада истиқбол ва хавфсизлик институти президенти Эммануэль Дюпои ўз табриқомасида Ўзбекистон ҳозирги пайтда демократлаштириш жараёнининг муҳим босқичида турганини таъкидлайди. Унинг эътирофи эътиҳашча, 2005 йили мамлакатимизда амалга оширилган конституциявий ислоҳот ва икки палатали парламент тизимининг йўлга қўйилиши демократик тараққиётнинг мутлақо янги босқичини бошлаб берди. Фуқаролик жамиятининг ривожланишида нодавлат ташкилотларининг ўрни ва аҳамияти ошиши ҳам алоҳида таҳсинга сазовордир.

“Ўзбекистон Марказий Осиёда муҳим геостратегик аҳамиятга эга бўлгани баробарида, минтақадаги хавфсизлик, мамлакатлараро ўзаро манфаатли ҳамкорлик ва изчил тараққиётни таъминлашда, шу жумладан, Афғонистон-

нинг тикланишида ҳал қилувчи ўрин тутайди”, дейди Э. Дюпои.

Унинг таъкидлашича, Ўзбекистон ва Франция муносабатлари дўстона ҳамда ўзаро манфаатли хусусият касб этади. Жумладан, Франция ташқи ишлар вазири Лоран Фабиуснинг жорий йил март ойида Ўзбекистонга буюрган таширифи ва унинг Президент Ислол Каримов билан бўлиб ўтган учрашуви ижтимоий-сиёсий, савдо-иқтисодий ҳамда маданий-гуманитар соҳалардаги икки томонлама ҳамкорликнинг чуқурлашишида муҳим кадам бўлди. “Мустақиллик байрами арафасида дўст ўзбек халқига демократик ва ижтимоий-иқтисодий равнақ борасида янгидан-янги муваффақиятлар, тинчлик-осойишталик, фаровонлик ва бахту саодат тилайман”, дея қутлади Эммануэль Дюпои.

(Давоми 2-бетда.)

Энг намунали маҳаллалар аниқланмоқда

Шу кунларда мамлакатимизда “Маҳалла” хайрия жамоат фонди республика бошқаруви томонидан ҳамкор ташкилотлар билан биргаликда “Энг намунали фуқароларнинг ўзини ўзи бошқариш органлари” кўрик-танловининг ҳудудий босқичлари ўтказилмоқда.

■ КУЧЛИ ДАВЛАТДАН — КУЧЛИ ФУҚАРОЛИК ЖАМИЯТИ САРИ

“Обод турмуш йили” Давлат дастури ижросини таъминлаш мақсадида ташкил этилган ушбу танлов фуқаролар йиғинларида миллий ва маънавий кадрларни кенг тарғиб қилиш, аҳолининг турмуш даражасини янада яхшилаш, маҳаллаларни комплекс ривожлантириш йўналишида амалга оширилаётган кенг қамровли ишларни ўрганиш, рағбатлантириш, муносиб тақдирлаш ҳамда бу борадаги илғор тажрибаларни оммалаштиришга қаратилгандир.

Тадбир доирасида қатнашчиларнинг иш фаолиятига оид фотоальбомлар, плакат ва стендлар ҳамда хунармандчилик ишлари кўргазмаси намойиш этилмоқда.

Бугунги кунда Наманган вилоятида 892 та фуқароларнинг ўзини ўзи бошқариш органи фаолият кўрсатмоқда. Наманган шаҳридаги “Ёшлар маркази”да ўтказилган танловнинг вилоят босқичида 12 та йиғин вакиллари республика босқичига бериладиган йўлланма учун баҳсларга киришди.

— Фуқаролар ўзини ўзи бошқариш органлари миллий ва маънавий кадрларни тарғиб қилиш, ҳудудни комплекс ривожлантириш, аҳолининг турмуш даражасини юксалтириш борасидаги устувор вазифаларни рўйбга чиқаришда асосий кучга айланмоқда, — дейди Уйчи туманидаги “Янгиқоч” маҳалла фуқаролар йиғини раиси Тилобат Камолова.

(Давоми 3-бетда.)

Фуқаролар йиғинларига компьютерлар

■ Риштон туманидаги 14 та маҳалла фуқаролар йиғинига “Маҳалла” хайрия жамоат фонди томонидан сўнгги русумдаги компьютер жамланмалари тақдим этилди.

— Иш жараёнини фаоллаштириш ва самарадорлигини ошириш мавжуд моддий-техник базани мустаҳкамлашни, замонавий ахборот-коммуникация воситаларидан кенг фойдаланишни тақозо этади, — дейди “Маҳалла” хайрия жамоат фонди Фарғона вилояти бўлими раиси Акрамжон Юлбарсов. — Шу боис йил охиригача вилоятимиздаги 1027 маҳалланинг барчасини компьютер жамланмалари билан таъминлашни мақсад қилганмиз.

Набижон СОБИРОВ,
«Халқ сўзи» мухбири.

Илғор технологиялар афзаллиги

■ Денов туманидаги “Кенгас” қишлоқ фуқаролар йиғини ҳудудида кунига 1,5 тонна қандолат маҳсулотлари ишлаб чиқаришга иxtисослаштирилган “Зулайхобону Ибрагимовна” хусусий корхонаси иш бошлади.

— Банк томонидан ажратилган 320 миллион сўмлик кредит эвазига Италияда ишлаб чиқарилган тежамкор, шу билан бирга, иш унуми юқори бўлган технологик ускуналар харид қилдик, — дейди тадбиркор Райҳона Курбонова. — Унинг яна бир

афзал жиҳати, тайёрланаётган маҳсулотга мезёрда белгиланган масалликлар солинамаса, ускуналар ўзидан тўхтайдми. Яъни компьютер ёрдамида маҳсулотларимиз сифати назорат қилинади.

Нормурод ТЕМИРОВ,
«Халқ сўзи» мухбири.

